



文選卷第十九

梁昭明太子蕭統撰

賦矣

情

高唐賦併序

宋玉

昔者楚襄王與宋玉游於雲夢之臺望高唐之
觀其上獨有雲氣崒兮直上忽兮改容須臾之
閒變化無窮王問玉曰此何氣也玉對曰所謂
朝雲者也王曰何謂朝雲玉曰昔者先王嘗游

高唐怠而晝寢夢見一婦人曰妾巫山之女也
爲高唐之客聞君游高唐願薦枕席王因幸之
去而辭曰妾在巫山之陽高丘之岨旦爲朝雲
暮爲行雨朝朝暮暮陽臺之下旦朝視之如言
故爲立廟號曰朝雲王曰朝雲始出狀若何也
玉對曰其始出也曄兮若松栢其少進也晰兮
若姣姬揚袂鄣日而望所思忽兮改容偁兮若
駕駟馬建羽旗湫兮如風淒兮如雨風止雨霽
雲無處所王曰寡人方今可以游乎玉曰可王

曰其何如矣玉曰高矣顯矣臨望遠矣廣矣普
矣萬物祖矣上屬於天下見於淵珍怪竒偉不
可稱論王曰試爲寡人賦之玉曰唯唯○惟高
唐之大體兮殊無物類之可儀比巫山赫其無
疇兮道互折而曾累登峻巖而下望兮臨大坻
之稽水遇天雨之新霽兮觀百谷之俱集渾洶
洶其無聲兮潰淡淡而並入滂洋洋而四施兮
蒼葭湛湛而不止長風至而波起兮若麗山之孤
畝勢薄岸而相擊兮隘交引而却會崒中怒而

特高兮若浮海而望碣石礫礫而相摩兮熠
震天之礚礚巨石溺溺之澆澆兮沫潼潼而高
厲水澹澹而盤紆兮洪波淫淫之溶溶奔揚踊
而相擊兮雲興聲之霈霈猛獸驚而跳駭兮妄
奔走而馳邁虎豹豺兕失氣恐喙鷓鴣鷹鷄飛
揚伏竄股戰脅息安敢妄摯於是水蟲盡暴乘
渚之陽鼉鼉鱣鮪交積縱橫振鱗奮翼蛟螭蜿
蜿中阪遙望玄木冬榮煌煌熒熒奪人目精爛
兮若列星曾不可殫形榛林鬱鬱盛葩萃覆芣雙

倚垂房枅枝還會徙靡澹淡隨波閤藹東西施
翼猗猗豐沛綠葉紫果朱華白蒂纖條悲鳴聲
似竽籟清濁相和五變四會感心動耳迴腸傷
氣孤子寡婦寒心酸鼻長吏隳官賢士矢志愁
思無已歎息垂淚登高遠望使人心瘁盤岸嶺
岿振陳磴磴磐石險峻傾崎崖隕巖嶇參差縱
橫相追陬互橫梧背穴偃蹠交加累積重疊增
益狀似砥柱在巫山之下仰視山巔肅何芊芊
炫耀虹蜺俯視峭嶭窅冥窅冥不見其底虛聞

松聲傾岸泮泮立而熊經久而不去足盡汗出
悠悠忽忽怛悵自失使人心動無故自恐賁育
之斷不能爲勇卒愕異物不知所出繼繼莘莘
若生於鬼若出於神狀似走獸或象飛禽譎詭
竒偉不可究陳上至觀側地蓋底平箕踵漫衍
芳草羅生秋蘭芷蕙江離載菁青荃射干揭車
苞拜薄草靡靡聯延夭夭越香掩掩衆雀嗷嗷
雌雄相失哀鳴相號王雎鸚黃正冥楚鳩姊歸
思婦垂雞高巢其鳴喈喈當年遨游更唱迭和

赴曲隨流有方之士羨門高谿上成鬱林公樂
聚穀進純犧禱璇室醮諸神禮太一傳祝已具
言辭已畢王乃乘玉輿駟蒼螭垂旒旒旆合諧
納大弦而雅聲流冽風過而增悲哀於是調謳
令人怵悒懔懔脅息增欷於是乃縱獵者基趾
如星傳言羽獵銜枚無聲弓弩不發罟罟不傾
涉澐澐馳革蕤飛鳥未及起走獸未及發弭節奄
忽蹄足灑血舉功先得獲車已實王將欲往見
之必先齋戒差時擇日簡輿玄服建雲旆蜺爲

旌翠爲蓋風起雨止千里而逝蓋發蒙往日會
思萬方憂國害開賢聖輔不逮九竅通鬱精神
察滯延年益壽千萬歲

神女賦併序

楚襄王與宋玉遊於雲夢之浦使玉賦高唐之
事其夜王寢夢與神女遇其狀甚麗王異之明
日以白玉玉曰其夢若何王對曰晡夕之後精
神恍惚若有所喜紛紛擾擾未知何意目色髣
髴乍若有記見一婦人狀甚奇異寐而夢之寤

不自識罔兮不樂悵爾矢志於是撫心定氣復
見所夢玉曰狀如何也王曰茂矣美矣諸好備
矣盛矣麗矣難測究矣上古既無世所未見瓌
姿瑋態不可勝讚其始來也耀乎若白日初出
照屋梁其少進也皎若明月舒其光須臾之間
美貌橫生燁兮如花溫乎如瑩五色并馳不可
殫形詳而視之奪人目精其盛飾也則羅織綺
績盛文章極服妙綵照萬方振繡衣被袿裳襪
不短纖不長步喬喬兮曜殿堂忽兮改容婉若

游龍乘雲翔嬈被服佻薄裝沐蘭澤含若芳性
和適宜侍旁順序卑調心腸王曰若此盛矣試
爲寡人賦之玉曰唯唯○夫何神女之姣麗兮
含陰陽之溼飾被華藻之可好兮若翡翠之奮
翼其象無雙其美無極毛嬈鄣袂不足程式西
施掩面比之無色近之旣妖遠之有望骨法多
奇應君之相視之盈目孰者克尚私心獨悅樂
之無量交希恩疎不可盡暢他人莫覩王覽其
狀其狀峩峩何可極言貌豐盈以莊姝兮苞溫

潤之玉顏眸子炯其精朗兮瞭多美而可觀眉
聯娟似蛾揚兮朱唇的其若丹素質幹之醲實
兮志解恭而體閑旣婉孌於幽靜兮又娉娉乎
人間宜高殿以廣意兮翼放縱而綽寬動霧縠
以徐步兮拂塚聲之珊珊望余帷而延視兮若
流波之將瀾奮長袖以正衽兮立躑躅而不安
澹清靜其情嫵兮性沈詳而不煩時容與以微
動兮志未可乎得原意似近而旣遠兮若將來
而復旋塞余幃而請御兮願盡心之惓惓懷貞

亮之繁清兮卒與我乎相難陳嘉辭而云對兮
吐芬芳其若蘭精交接以來往兮心凱康以樂
歡神獨亨而未結兮魂煢煢以無端含然諾其
不分兮喟揚音而哀歎頰薄怒以自持兮曾不
可乎犯干於是搖珮飾鳴玉鸞整衣服歛容顏
顧女師命大傅歡情未接將辭而去遷延引身
不可親附似逝未行中若相首目略微眴精彩
相授志態橫出不可勝記意離未絕神心怖覆
禮不遑訖辭不及究願假須臾神女稱遽徊腸

傷氣顛倒失據闇然而冥忽不知處情獨私懷
誰者可語惆悵垂涕求之至曙

登徒子好色賦併序

大夫登徒子侍於楚襄王短宋玉曰玉爲人體
貌閑麗口多微辭又性好色願王勿與出入後
宮王以登徒子之言問於宋玉玉曰體貌閑麗
所受於天也口多微辭所學於師也至於好色
臣無有也王曰子不好色亦有說乎有說則止
無說則退玉曰天下之佳人莫若楚國楚國之

麗者莫若臣里臣里之美者莫若臣東家之子
臣東家之子增之一分則太長減之一分則太
短著粉則太白施朱則太赤眉如翠羽肌如白
雪膏如束素齒如含貝嫣然一笑惑陽城迷下
蔡然此女登牆闚臣三年至今未許也登徒子
則不然其妻蓬頭鬢耳齟脣歷齒旁行蝸僕又
疥且痔登徒子悅之使有五子王熟察之誰爲
好色者矣是時秦章華大夫在側因進而稱曰
今夫宋玉盛稱隣之女以爲美色愚亂之邪臣

自以爲守德謂不如彼矣且夫南楚窮巷之妾
焉足爲大王言乎若臣之陋目所曾覩者未敢
云也王曰試爲寡人說之大夫曰唯唯○臣少
曾遠游周覽九土足歷五都出咸陽熙邯鄲從
容鄭衛溱洧之間是時向春之末迎夏之陽鷓
鷃喈喈羣女出桑此郊之妹華色含光體美容
冶不待飾粧臣觀其麗者因稱詩曰遵大路兮
攬子祛贈以芳華辭甚妙於是處子恍若有望
而不來忽若有來而不見意密體疏俯仰異觀

含喜微笑竊視流眄復稱詩曰寤春風兮發鮮
榮絜齋侯兮惠音聲贈我如此兮不如無生因
遷延而辭避蓋徒以微辭相感動精神相依憑
目欲其頽心顧其義揚詩守禮終不過差故足
稱也於是楚王稱善宋玉遂不退

洛神賦併序

曹子建

黃初三年余朝京師還濟洛川古人有言斯水
之神名曰宓妃感宋玉對楚王說神女之事遂
作斯賦其詞曰余從京師言歸東藩背伊闕越

輶轅經通谷陵景山日既西傾車殆馬煩爾迺
稅駕乎蘄臯秣駟乎芝田容與乎楊林流眄乎
洛川杳是精移神駭忽焉思散俯則未察仰以
殊觀覩一麗人于巖之畔邈迺援御者而告之
曰爾有覲杳彼者乎彼何人斯若此之豔也御
者對曰臣聞河洛之神名曰宓妃則君王之所
見也無迺是乎其狀若何臣願聞之余告之曰
其形也翩若驚鴻婉若游龍榮曜秋菊華茂春
松髣髴兮若輕雲之蔽月飄颻兮若流風之迴

雪遠而望之皎若太陽升朝霞迫而察之灼若
芙蓉出淥波穠纖得中脩短合度肩若削成鬢
如約素延頸秀頰皓質呈露芳澤無加鈿華不
御雲髻我我脩眉聯娟丹脣外朗皓齒內鮮明
眸善睐顰輔承權瓌姿豔逸儀靜體閑柔情綽
態媚杳語言竒服曠世骨像應圖披羅衣之璫
粲兮珥瑤碧之華琚戴金翠之首飾綴明珠以
耀軀踐遠游之文履曳霧綃之輕裾微幽蘭之
芳藹兮步踟躕杳山隅杳是忽焉縱體以遨以

嬉左倚采旄右蔭桂旗攘皓腕杳神許兮采湍
瀨之玄芝余情悅其淑美兮心振蕩而不怡無
良媒以接歡兮託微波而通辭願誠素之先達
解玉佩而要之嗟佳人之信脩美習禮而明詩
抗瓊瑋以和予兮指潛淵而爲期執眷眷之款
實兮懼斯靈之我欺感交甫之棄言兮悵猶豫
而狐疑收和頰而靜志兮申禮防以自持杳是
洛靈感焉徒倚傍徨神光離合乍陰乍陽竦輕
軀以鶴立若將飛而未翔踐椒塗之郁烈步蘅

薄而流芳超長吟以求慕兮聲哀厲而彌長爾
迺衆靈雜選命儔嘯侶或戲清流或翔神渚或
采明珠或拾翠羽從南湘之二妃攜漢濱之游
女歎匏瓜之無匹詠牽牛之獨處揚輕桂之綺
靡翳脩袖以延佇體迅飛鳧飄忽若神陵波微
步羅韞生塵動無常則若危若安進止難期若
往若還轉眄流精光潤玉顏含辭未吐氣若幽
蘭翠容婀娜令我忘餐在是屏翳收風川后靜
波馮夷鳴鼓女媧清歌騰文魚以警乘鳴玉鸞

以偕逝六龍儼其齊首載雲車之容裔鯨鯢踊
而夾轂水禽翔而爲衛在是越北汕過南岡紆
素領迴清陽動朱唇以徐言陳交接之大綱恨
人神之道殊怨盛年之莫當抗羅袂以掩涕兮
淚流襟之浪浪悼良會之永絕兮哀一逝而異
鄉無微情以效愛兮獻江南之明璫雖潛處在
太陽長寄心在君王忽不悟其所舍悵神霄而
蔽光在是背下陵高足往神畱遺情想象顧望
懷愁冀靈體之復形御輕舟而上泝浮長川而

忘反思絲絲而增慕夜耿耿而不寐露繁霜而
至曙命僕夫而就駕吾將歸乎東路攬駢轡以
抗策悵盤桓而不能去

詩甲

補亡詩六首并序

束廣微

南陔孝子相戒以養也循彼南陔言採其蘭眷
戀庭闈心不遑安彼君之子罔或游盤馨爾夕
膳絜爾晨餐循彼南陔厥草油油彼居之子色
思其柔眷戀庭闈心不遑安馨爾夕膳絜爾晨

羞有獺有獺在河之浹浹波赴汨噬魴捕鯉噉
噉林鳥受哺于子養隆敬薄惟禽之似勗增爾
虔以介丕祉○白華孝子之絜白也白華朱萼
被於幽薄粲粲門子如磨如錯終晨三省匪情
其恪白華絳趺在陵之陬循循士子涅而不渝
竭誠盡敬疊疊忘劬白華玄足在丘之曲堂堂
處子無營無欲鮮侔晨葩莫之點辱○華黍時
和歲豐宜黍稷也黓黓重雲習習和風黍華陵
巔麥秀丘中靡田不播九穀斯豐奕奕玄霄濛

濛甘霽黍發稠華禾挺其秀靡田不殖九穀斯
茂無高不播無下不植芒芒其稼參參其穡穡
我王委克我民食王燭陽明顯猷翼翼○由庚
萬物得由其道也蕩蕩夷庚物則由之蠢蠢庶
類王亦柔之道之既由化之既柔木以秋零草
以春抽獸在于草魚躍順流四時遞謝八風代
扇纖阿綦晷星變其躔五緯不愆六氣無易愆
愆我王紹文之跡○崇丘萬物得極其高大也
瞻彼崇丘其林藹藹植物斯高動類斯大周風

既洽王猷允泰漫漫方輿迴迴洪覆何類不繁
何生不茂物極其性人求其壽恢恢大圓茫茫
九壤資生仰化于何不養人無道天物極則長
○由儀萬物之生各得其儀也肅肅君子由儀
率性明明后辟仁以爲政魚游清沼鳥萃平林
濯鱗鼓翼振振其音賓寫爾誠主竭其心時之
和矣何思何脩文化內輯武功外悠

述德

述祖德詩二首

謝靈運

達人貴自我高情屬天雲兼抱濟物性而不纓
垢氛段生藩魏國展季救魯人弦高犒晉師仲
連却秦軍臨組乍不縶對珪寧肯分惠物辭所
賞勵志故絕人苒苒歷千載遙遙播清塵清塵
竟誰嗣明哲時經綸委講綴道論改服康世屯
屯難既云康尊主隆斯民○中原昔喪亂喪亂
豈解已崩騰末嘉末逼迫太元始河外無反正
江介有躋地萬邦咸振懾橫流賴君子拯溺由
道情龕暴資神理秦趙欣來蘇燕魏遲文軌賢

相謝世運遠圖因事止高揖七州外拂衣五湖
裏隨山疏濬潭傍巖藝枌梓遺情捨塵物貞觀
丘壑美

勸勵

諷諫詩 并序

韋 孟

孟爲元王傳子夷王及孫王戊戌荒淫不遵道
作詩諷諫○肅肅我祖國自豕韋黼衣朱黻四
牡龍旂彤弓斯征撫寧遐荒揔齊羣邦以翼大
商迭彼大彭勳績惟光至于有周歷世會同王

報聽諧寔絕我邦我邦既絕厥政斯逸賞罰之
行非由王室庶尹羣后靡扶靡衛五服崩離宗
周以墜我祖斯微遷于彭城在予小子勤唉厥
生阨此媢秦耒耜斯耕悠悠媢秦上天不寧乃
眷南顧授漢于京在赫有漢四方是征靡適不
懷萬國攸平乃命厥弟建侯于楚俾我小臣惟
傳是輔矜矜元主恭儉靜一惠此黎民納彼輔
弼亨國漸世垂烈在後乃及夷王剋奉厥次谷
命不永惟王統祀左右陪臣斯惟皇士如何我

主不惠守保不惟履冰以繼祖考邦事是廢逸
游是娛犬馬悠悠是放是驅務此鳥獸忽此稼
苗蒸民以匱我王以媢所弘匪德所親匪俊唯
囿是恢唯諛是信踰踰諂夫諤諤黃髮如何我
王曾不是察既藐下臣追欲縱逸媢彼顯祖輕
此削黜嗟嗟我王漢之睚親曾不夙夜以休令
聞穆穆天子臨照下土明明羣司執憲靡顧正
遐由近殆其茲怙嗟嗟我王曷不斯思匪思匪
監嗣其罔則彌彌其逸岌岌其國致冰匪霜致

墜匪慢瞻惟我王時靡不練興國救顛孰違悔
過追思黃髮秦繆以霸歲月其徂年其逮者於
赫君子庶顯于後我王如何曾不斯覽黃髮不
近胡不時鑒

勵志詩

張茂先

大儀幹運天迴地游四氣鱗次寒暑環周星火
旣夕忽焉素秋涼風振落熠燿宵流○吉士思
秋寔感物化日歟月歟荏苒代謝逝者如斯曾
無日夜嗟爾庶士胡寧自舍○仁道不遐德輔

如羽求焉斯至衆鮮克舉大猷玄漠將抽厥緒
先民有作貽我高距○雖有淑姿放心縱逸出
般于游居多暇日如彼梓材弗勤丹漆雖勞朴
斲終負素質○養由矯矢獸號于林蒲盧縈繳
神感飛禽未伎之妙動物應心研精耽道安有
幽深○安心恬蕩棲志浮雲體之以質彪之以
文如彼南畝力未旣勤蔗藜致功必有豐殷○
水積成川載瀾載清土積成山歆蒸鬱冥山不
讓塵川不辭盈勉志含弘以隆德聲○高以下

基洪由織起川廣自源成人在始累微以著乃
物之理縷牽之長實累千里○復禮終朝天下
歸仁若金受礪若泥在鈞進德脩業暉光日新
隰朋仰慕予亦何人

文選卷第十九

音釋

對音隊 樹音時 燿音轟 濟音戛 猗音弱 拊音務 蹠音隻 空呼交反

罕細密也 穰衣厚貌 媿音轟 佻他外反與 媿居委反 媿音獲 媿音獲 媿音獲 媿音獲

媿一計反淑善也 頰音并反怒色也 齒而露齒也 螭音偃 眦音賴 瞞音可 逌徒合反 跖

音數與跖同花足也 舊所練反鮮明之貌 黑徒感反 柴音薛 蹠音感 龕音戡 啖音戡 踰音戡

以未反目 蔗彼苗反耘也 藜古本反壅也 高許喬反氣土出貌 纒音黑繫馬索也

文選卷第二十

梁昭明太子

蕭統撰

獻詩

上責躬應詔詩表

曹子建

臣植言臣自抱嬰歸蕃刻肌刻骨追思罪戾晝
分而食夜分而寢誠以天網不可重羅聖恩難
可再恃竊感相鼠之篇無禮過死之義形影相
弔五情愧赧以罪弃生則違古賢夕改之勸忍
垢苟全則犯詩人胡顏之譏伏惟陛下德象天

地恩隆父母施暢春風澤如時雨是以不別荆
棘者慶雲之惠也七子均養者鳩鳩之仁也舍
罪責功者明君之舉也矜愚愛能者慈父之恩
也是以愚臣徘徊於恩澤而不敢自弃者也前
奉詔書臣等絕朝心離志絕自分黃耆永無執
珪之望不圖聖詔猥垂齒召至止之日馳心輦
轂僻處西館未奉闕庭踊躍之懷瞻望反側不
勝犬馬戀主之情謹拜表并獻詩二篇詞旨淺
末不足采覽貴露下情冒顏以聞臣植誠惶誠

恐頓首頓首死罪死罪

責躬詩

於穆顯考時惟武皇受命于天寧濟四方朱旗
所拂九土披攘玄化滂流荒服來王超商越周
與唐比蹤篤生我皇奕世載聰武則肅烈文則
時雍受禪于漢君臨萬邦萬邦既化率由舊則
廣命懿親以藩王國帝曰爾侯君茲青土奄有
海濱方周于魯車服有輝旗章有敘濟濟俊乂
我弼我輔伊余小子恃寵驕盈舉掛時網動亂

國經作蕃作屏先軌是隳傲我皇使我朝儀
國有典刑我削我黜將寘于理元凶是率明明
天子時惟篤類不忍我刑暴之朝肆違彼執憲
哀予小子改封充邑于河之濱股肱弗置有君
無臣荒淫之闕誰弼余身煢煢僕夫于彼冀方
嗟予小子乃罹斯殃赫赫天子恩不遺物冠我
玄冕要我朱紱光光大使我榮我萃剖符授玉
王爵是加仰齒金匱俯執聖策皇恩過隆祇承
休惕咨我小子頑凶是嬰逝斬慙陵墓存愧闕庭
匪敢傲德寔恩是恃威靈改加足以沒齒昊天
罔極生命不圖常懼顛沛抱罪黃壚願蒙矢石
建旗東嶽庶立毫釐微功自贖危軀授命知足
免戾其赴江湘奮弋吳越天啓其衷得會京畿
遲奉聖顏如渴如饑心之云慕愴矣其悲天高
聽卑皇肯照微

應詔詩

肅承明詔應會皇都星陳夙駕秣馬脂車命彼
掌徒肅我征旅朝發鸞臺夕宿蘭渚茫茫原隰

祁祁士女經彼公田樂我稷黍爰有楊木重陰
匪息雖有糗糧饑不遑食望城不過面邑不游
僕夫警策平路是由玄駟藹藹揚鑣漂沫流風
翼衡輕雲承蓋涉澗之濱綠山之隈遵彼河滸
黃坂是階西濟關谷或降或升駢駟倦路載寢
載興將朝聖皇匪敢晏寧弭節長駑指日遄征
前驅舉燧後乘抗旌輪不輟運鑾無廢聲爰暨
帝室稅此西墉嘉詔未賜朝覲莫從仰瞻城闕
俯惟闕庭長懷永慕憂心如醒

關中詩

潘安仁

在皇時晉受命既固三祖在天聖皇紹祚德博
化光刑簡枉錯微火不戒延我寶庫蝨爾戎狄
狡焉思肆虞我國青窺我利器嶽牧慮殊威懷
理二將無專策兵不素肄翹翹趙王請徒三萬
朝議惟疑未逞斯願栢栢梁征高牙乃建旗蓋
相望偏師作援虎視眈眈威彼好時素甲日耀
玄幕雲起誰其繼之夏侯卿士惟系惟處別營
綦時夫豈無謀戎士承平守有完郭戰無全兵

鋒交卒奔孰免孟明飛檄秦郊告敗上京周狗
師令身膏氏斧人之云亡貞節克舉盧播違命
投畀朔土爲法受惡誰謂荼苦哀此黎元無罪
無辜肝腦塗地白骨交衢夫行妻寡父出子孤
俾我晉民化爲狄俘亂離斯瘼日月其稔天子
是矜旰食晏寢主憂臣勞孰不祇慄愧無獻納
尸素以甚皇赫斯怒爰整精銳命彼上谷指日
邁逝親奉成規稜威遐厲首陷中亭揚聲萬計
兵固詭道先聲後實聞之有司以萬爲一紂之

不善我未之必虛鼎滄德繆彰甲吉雍門不啓
陳汧危獨觀遂虎奮感恩輸力重圍克解危城
載色豈曰無過功亦不測情固萬端于何不有
紛紜齊萬亦孔之醜曰納其降曰梟其首疇真
可掩孰僞可久旣徵爾辭旣蔽爾訟當乃明實
否則證空好爵旣靡顯戮亦從不見賈林伏尸
漢邦周人之詩寔曰采薇北難獫狁西患昆夷
以古况今何足曜威徒愍斯民我心傷悲斯民
如何荼毒于秦師旅旣加饑饉是因疫癘淫行

荆棘成榛絳陽之粟浮于渭濱明明天子視民
如傷申命羣司保爾封疆靡暴于衆無凌于疆
惴惴寡弱如熙春陽

公讌

公讌詩

曹子建

公子敬愛客終宴不知疲清夜游西園飛蓋相
追隨明月澄清景列宿正參差秋蘭被長坂朱
華冒綠池潛魚躍清波好鳥鳴高枝神飈接丹
轂輕輦隨風移飄颻放志意千秋長若斯

公讌詩

王仲宣

昊天降豐澤百卉挺葳蕤涼風撤蒸暑清雲却
炎暉高會君子堂並坐蔭華椽嘉肴充圓方旨
酒盈金壘管弦發微音曲度清且悲合坐同所
樂但慙不血行遲常聞詩人語不醉且無歸今日
不極歡含情欲待誰見眷良不翅守分豈能違
古人有遺言君子福所綏願我賢主人與天享
巍巍克符周公業奕世不可追

公讌詩

劉公幹

永日行游戲歡樂猶未央遺思在玄夜相與復
翱翔輦車飛素蓋從者盈跼傍月出照園中珍
木鬱蒼蒼清川過石渠流波爲魚防芙蓉散其
華齒齒溢金塘靈鳥宿水裔仁獸游飛梁華館
寄流波豁達來風涼生平未始聞歌之安能詳
投翰長嘆息綺麗不可忘

侍五官中郎將建章臺集詩 應德璉

朝鴈鳴雲中音響一何哀問子游何鄉戢翼正
徘徊言我塞門來將就衡陽棲徃春翔北土今

冬客南淮遠行蒙霜雪毛羽日摧頽常恐傷肌
骨身墮沈黃泥簡珠墮沙石何能中自諧欲因
雲雨會濯翼陵高梯良遇不可值伸眉跼何階
公子敬愛客樂飲不知疲和顏旣以暢乃肯顧
細微贈詩見存慰小子非所宜爲且極歡情不
醉其無歸凡百敬爾位以副饑渴懷

皇太子宴玄圃宣猷堂有令賦詩

陸士衡

三正迭紹洪聖啓運自昔哲王先天而順羣辟

崇替降及近古黃暉旣渝素靈承祜乃眷斯顧
祚之宅土三后始基世武丕承協風傍駭天畧
仰澄淳曜六合皇慶攸興自彼河汾奄齊七政
時文惟晉世篤其聖欽翼昊天對揚成命九區
克咸讌歌以詠皇上纂隆經教弘道于化旣豐
在工載考俯釐庶績仰荒大造儀刑祖宗妥綏
天保篤生我后克明克秀體輝重光承規景數
茂德淵冲天姿玉裕叢爾小臣邈彼荒遐弛厥
負擔振纓承華匪願伊始惟命之嘉

大將軍宴會被命作詩

陸士龍

皇皇帝祜誕隆駿命四祖正家天祿安定獻哲
惟晉世有明聖如彼日月萬景攸正巍巍明聖
道隆自天則明分爽觀象洞玄陵風協紀絕輝
照淵肅雍往播福祿來臻在昔姦臣稱亂紫微
神風潛駭有赫茲威靈旗樹旆如電斯揮致天
之屆于河之沂有命再集皇輿凱歸頽綱旣振
品物咸秩神道見素遺華反質辰畧重光協風
應律函夏無塵海外有謚芒芒宇宙天地交泰

王在華堂式宴嘉會玄暉峻朗翠雲崇靄冕弁
振纓服藻垂帶衿衿臣僚有來雍雍薄言載考
承顏下風俯覲嘉客仰瞻玉容施已唯約于禮
斯豐天賜難老如岳之崇

晉武帝華林園集詩

應吉甫

悠悠太上民之厥初皇極肇建彛倫攸敷五德
更運膺錄受賦陶唐旣謝天歷在虞在時上帝
乃顧惟眷光我先祚應期納禪位以龍飛文以
虎變玄澤滂流仁風潛扇區內宅心方隅回面

天垂其象地曜其文鳳鳴朝陽龍翔景雲嘉禾
重穎蕈莢載芬卒土咸序人胥悅欣恢恢皇度
穆穆聖容言思其順貌思其恭在視斯明在聽
斯聰登庸以德明試以功其恭惟何昧且不顯
無理不經無義不踐行捨其華言去其辯游心
至虛同規易簡六府孔修九有斯靖澤靡不被
化罔不加聲教南暨西漸流沙幽人肆嶮遠國
忘遐越裳重譯克我皇家峩峩列辟赫赫虎臣
內和五品外威四賓脩時貢職入覲天人備言

錫命羽蓋朱輪貽宴好會不常厥數神心所受
不言而喻於是肄射矜矢斯御發彼五的有酒
斯飫文武之道厥猷未墜在昔先王射御茲器
示武懼荒過亦爲失凡厥羣后無懈于位

九日從宋公戲馬臺集送孔令詩

謝宣遠

風至授寒服霜降休百工繁林收陽彩密苑解
華叢巢幕無留鷺遵渚有來鴻輕霞冠秋日迅
商薄清穹聖心眷嘉節揚鑿戾行宮四筵霑芳

醴中堂起絲桐扶光迫西汜歡餘宴有窮逝矣
將歸客養素克有終臨流怨莫從歡心歎飛蓬

樂游應詔詩

范蔚宗

崇盛歸朝闕虛寂在川岑山梁協孔性黃屋非
堯心軒駕時未肅文囿降照臨流雲起行蓋晨
風引鑿音原薄信平蔚臺澗備曾深蘭池清夏
氣脩帳含秋陰遵渚攀蒙密隨山上嶇嶽睇目
有極覽游情無近尋聞道雖已積年力互頽侵
探已謝丹黻感事懷長林

九日從宋公戲馬臺集送孔令詩

謝靈運

季秋邊朔苦旅鴈違霜雪淒淒陽卉腓皎皎寒
潭潔良辰感聖心雲旗興暮節鳴葭戾朱宮蘭
扈獻時哲餞宴光有孚和樂隆所缺在宥天下
理吹萬羣方悅歸客遂海隅脫冠謝朝列弭棹
薄枉渚指景待樂闕河流有急瀾浮駢無緩轍
豈伊川余念宿心愧將別彼美丘園道喟焉傷
薄劣

應詔讌曲水作詩

顏延年

道隱未形治彰既亂帝迹懸衡皇流共貫惟王
創物求錫洪筭仁固開周義高登漢祚融世哲
業先列聖太上正位天臨海鏡制以化裁樹之
刑性惠浸萌主信及翔泳崇虛非徵積實莫尚
豈伊人和寔靈所貺日完其朔月不掩望航珠
越水輦畫踰嶂帝體麗明儀辰作貳君彼東朝
金昭玉粹德有潤身禮不愆器柔中淵映芳猷
蘭祕昔在文昭今惟武穆烏赫王宰方且居叔

有睟敬蕃爰履奠牧寧極和鈞屏京維服肫魄
雙交月氣參變開榮灑澤舒虹爍電化際無間
皇情爰眷伊思鎬飲每惟洛宴郊餞有壇君舉
有禮幙帷蘭甸畫流高陸分庭薦樂析波浮醴
豫同夏諺事兼出濟仰閱豐施降惟微物三妨
儲隸五塵朝黻途泰命屯恩克報屈有悔可悛
滯瑕難拂

皇太子釋奠會作

顏延年

國尚師位家崇儒門稟道毓德講藝立言浚明

爽曙達義茲昏永瞻先覺顧惟後昆大人長物
繼天接聖時屯必亨運蒙則正偃閉武術闡揚
文令庶士傾風萬流仰鏡虞庠飾館睿圖炳睟
懷仁憬集抱智麇至踵門陳書躡僑獻器澡身
玄淵宅心道祕伊昔周儲聿光往記思皇世哲
體元作嗣資此夙和降從經志邇彼前文矩周
規值正殿虛筵司分簡日尚席函杖丞疑奉帙
侍言稱辭惇史秉筆妙識幾音王載有述肆議
芳訊太教克明敬躬祀典告奠聖靈禮屬觀盥

樂薦歌笙昭事是肅俎實非馨獻絃襲吉即宮
廣謙堂設象遙庭宿金懸台保蕙徽皇戚比彥
肴乾酒澄端服整弁六官視命九賓相儀纓芻
而序中卷充街都莊雲動野馘風馳倫周伍漢
超或邈猗清暉在天容光必照物性其情理宜
其奧妄先國胄側聞邦教徒愧微冥終謝智效

侍宴樂游苑送張徐州應詔詩

丘希範

詰日閭闔開馳道聞鳳吹輕蕙承玉輦細草藉

龍騎風遲山尚響雨息雲猶積巢空初鳥飛行
亂新魚戲寔惟北門重匪親孰為寄參差別念
舉肅穆恩波被小臣信多幸投生豈酬義

應詔樂游苑餞呂僧珍詩 沈休文

丹浦非樂戰負重切君臨我皇秉至德忘已用
堯心愍茲區宇內魚鳥失飛沈推轂二嶠道揚
旆九河陰超乘盡二屬選士皆百金戎車出細
柳餞席樽上林命師誅後服授律緩前禽函輶
方解帶堯武稍披襟伐罪芒山曲弔民伊水潯

將陪告成禮待此未抽簪

祖餞

送應氏詩二首

曹子建

步登北芒阪遙望洛陽山洛陽何寂寞宮室盡
燒焚垣墻皆頓擗荆棘上參天不見舊耆老但
覩新少年側足無行徑荒疇不復田遊子久不
歸不識陌與阡中野何蕭條千里無人煙念我
平常居氣結不能言○清時難屢得嘉會不可
常天地無終極人命若朝霜願得展嬾婉我友

之朔方親昵並集送置酒此河陽中饋豈獨薄
賓飲不盡觴愛至望苦深豈不愧中腸山川阻
且遠別促會日長願爲比翼鳥施翮起高翔

征西官屬送於陟陽候作詩

孫子荆

晨風飄岐路零雨被秋草傾城遠追送餞我千
里道三命皆有極咄嗟安可保莫大於殤子彭
聃猶爲天吉凶如糾纏憂喜相紛繞天地爲我
鑪萬物一何小達人垂大觀誠此苦不早乖離
即長衢惆悵盈懷抱孰能察其心鑒之以蒼昊

齊契在今朝守之與偕老

金谷集作詩

潘安仁

王生和鼎實石子鎮海沂親友各言邁中心悵
有違何以叙離思攜手游郊畿朝發晉京陽夕
次金谷湄迴谿縈曲阻峻阪路威夷綠池泛淡
淡青柳何依依濫泉龍鱗澗激波連珠揮前庭
樹沙棠後園植烏桺靈囿繁石榴茂林列芳梨
飲至臨莖沼遷坐登隆坻玄醴染朱顏但愬杯
行遲揚桴撫靈鼓簫管清且悲春榮誰不暮歲

寒良獨希投分寄石灰白首同所歸

王撫軍庾西陽集別作

謝宣遠

祇召旋北京守官及南服方舟析舊知對筵曠
明牧舉觴矜飲餞指途念出宿來晨無定端別
晷有成速頽陽照通津夕陰暖平陸榜人理行
臚輜軒命歸僕分手東城闈發權西江隩離會
雖相雜逝川豈往復誰謂情可書盡言非尺牘

鄰里相送方山詩

謝靈運

祇役出皇邑相期憩甌越解纜及流潮懷舊不

能發析析就衰林皎皎明秋月含情易爲盈遇
物難可歇積痾謝生慮寡欲罕所闕資此永幽
棲豈伊年歲別各勉日新志音塵慰寂蔑

新亭渚別范零陵詩

謝玄暉

洞庭張樂地瀟湘帝子游雲去蒼梧野水還江
漢流停驂我悵望輟棹子夷猶廣平聽方籍茂
陵將見求心事俱已矣江上徒離憂

別范安成詩

沈休文

生平少年日分手易前期及爾同衰暮非復別

離時勿言一樽酒明日難重持夢中不識路何
以慰相思

文選卷第二十

黃鳥作悲詩至今聲不虧

三良詩 五言

曹子建

功名不可爲忠義我所安秦穆先下世三臣皆
自殘生時等榮樂旣沒同憂患誰言捐軀易殺
身誠獨難攬涕登君墓臨穴仰天歎長夜何冥
冥一往不復還黃鳥爲悲鳴哀哉傷肺肝

詠史詩八首 五言

左太冲

弱冠弄柔翰卓犖觀羣書著論准過秦作賦擬
子虛邊城苦鳴鏑羽檄飛京都雖非甲冑士疇

昔覽穰苴長嘯激清風志若無東吳鈇刀貴一
割夢想騁良圖左眄澄江湘右盼定羗胡功成
不受爵長揖歸田廬

鬱鬱澗底松離離山上苗以彼徑寸莖蔭此百
尺條世胄躡高位英俊沈下僚地勢使之然由
來非一朝金張藉舊業七葉珥漢貂馮公豈不
偉白首不見招

吾希段干木偃息藩魏君吾慕魯仲連談笑却
秦軍當世貴不羈遭難能解紛功成耻受賞高

節卓不羣臨組不肯綵對珪寧肯分連璽曜前
庭比之猶浮雲

濟濟京城內赫赫王侯居冠蓋蔭四術朱輪竟
長衢朝集金張館暮宿許史廬南鄰擊鍾磬北
里吹笙竽寂寂揚子宅門無卿相輿寥寥空宇
內所講在玄虛言論准宣尼辭賦擬相如悠悠
百世後英名擅八區

皓天舒白日靈景耀神州列宅紫宮裏飛宇若
雲浮峨峨高門內藹藹皆王侯自非攀龍客何

爲歛來游被褐出閭闔高步追許由振衣千仞
岡濯足萬里流

荆軻飲燕市酒酣氣益震哀歌和漸離謂若傍
無人雖無壯士節與世亦殊倫高眇邈四海豪
右何足陳貴者雖自貴視之若埃塵賤者雖自
賤重之若千鈞

主父宦不達骨肉還相薄買臣困樵采伉儷不
安宅陳平無產業歸來鬻負郭長卿還成都壁
立何寥廓四賢豈不偉遺烈光篇籍當其未遇

時憂在填溝壑英雄有迤邐由來自古昔何世
無竒才遺之在草澤

習習籠中鳥舉翮觸四隅落落窮巷士抱影守
空廬出門無通路枳棘塞中塗計策棄不收塊
若枯池魚外望無寸祿內顧無斗儲親戚還相
蔑朋友日夜踈蘇秦北游說李斯西上書俛仰
生榮華咄嗟復彫枯飲河期滿腹貴足不願餘
巢林栖一枝可爲達士模

詠史詩

五言

張景陽

昔在西京時朝野多歡娛藹藹東都門羣公祖
二疎朱軒曜金城供帳臨長衢達人知止足遺
榮忽如無抽簪解朝衣散髮歸海隅行人爲隕
涕賢哉此丈夫揮金樂當年歲暮不留儲顧謂
四座賓多財爲累愚清風激萬代名與天壤俱
咄此蟬冕客君紳宜見書

覽古詩

五言

盧子諒

趙氏有和璧天下無不傳秦人來求市厥價徒
空言與之將見賣不與恐致患簡才備行李圖

令國命全蘭生在下位繆子稱其賢奉辭馳出
境伏軾徑入關秦王御殿坐趙使擁節前揮袂
睨金柱身玉要俱捐連城旣僞往荆玉亦真還
爰在澠池會二主剋交歡昭襄欲負力相如折
其端皆血下霑襟怒髮上衝冠西缶終雙擊東
瑟不集彈捨生豈不易處死誠獨難稜威章臺
顛疆禦亦不干屈節邯鄲中俛首恐迴軒廉公
何爲者負荆謝厥讐智勇冠當世弛張使我歎

張子房詩

五言

謝宣遠

王風哀以思周道蕩無章卜洛易隆替興辭罔
不亡力政吞九鼎苛慝暴三殤息有纏民思靈
鑿集朱光伊人感代工聿來扶興王婉婉幙中
畫輝輝天業昌鴻門銷簿蝕垓下隕攬搶爵仇
建蕭宰定都護儲皇肇允契幽叟翻飛指帝鄉
惠心奮千祀清埃播無疆神武睦三正裁成被
八荒明兩燭河陰慶霄薄汾陽鑿旄歷頽寢飾
像薦嘉嘗聖心豈徒甄惟德在無忘逝者如可
作揆子慕周行濟濟屬車士粲粲翰墨場瞽夫

遠盛觀踈踊企一方四達雖平直蹇步愧無良
餐和忘徵遠延首誅太康

秋胡詩 五言

顏延年

倚梧傾高鳳寒谷待鳴律影響豈不懷自遠每
相匹婉彼幽閑女作嬪君子室峻節貫秋霜明
豔伴朝日嘉運既我從欣願自此畢 其一 樊居
未及好良人顧有違脫巾千里外結綬登王畿
戒徒在昧旦左右來相依驅車出郊郭行路正
威違存為久離別沒為長不歸 其二 嗟余怨行

役三陟窮晨暮嚴駕越風寒解鞍犯霜露原隰
多悲涼迴飈卷高樹離獸起荒蹊驚鳥縱橫去
悲哉游宦子勞此山川路 其三 超遥行人遠宛

轉年運徂良時為此別日月方向除孰知寒暑
積備俛見榮枯歲暮臨空房涼風起坐隅寢興
日已寒白露生庭蕪 其四 勤役從歸願反路遵

山河昔辭秋未素今也歲載華蝓月觀時暇桑
野多經過佳人從所務窈窕援高柯傾城誰不
顧弭節停中阿 其五 年往誠思勞路遠闊音形

雖爲五載別相與昧平生捨車遵往路鳧藻馳
目成南金豈不重聊自意所輕義心多苦調密
比金玉聲其六高節難久淹竭來空復辭遲遲
前途盡依依造門基上堂拜嘉慶入室問何之
日暮行采歸物色桑榆時美人望昏至慙歎前
相持其七有懷誰能已聊用申苦難離居殊年
載一別阻河關春來無時豫秋至恒早寒明發
動愁心閨中起長歎慘悽歲方晏日落游子顏
其八高張生絕絃聲急由調起自昔枉光塵結

言固終始如何久爲別百行愆諸已君子失明
義誰與偕沒齒愧彼行露詩其之長川汎其九

五君詩五首

五言

顏延年

阮步兵

阮公雖淪跡識密鑿赤洞沈醉似埋照寓辭類
託諷長嘯若懷人越禮自驚衆物故不可論途
窮能無慟

嵇中散

中散不偶世本自餐霞人形解驗默仙吐論知

疑神立俗迂流議尋山洽隱淪鸞翮有時鏃龍
性誰能馴

劉參軍

劉伶善閉關懷情滅聞見鼓鍾不足觀榮色豈
能眩韜精日沈飲誰知非荒宴頌酒雖短章深
衷自此見

阮始平

仲容青雲器實稟生民秀達音何用深識微在
金奏郭奕已心醉山公非虛覲屢薦不入官一

庾乃出守

向常時

向秀甘淡薄深心託豪素探道好淵玄觀書鄙
章句交呂旣鴻軒攀嵇亦鳳舉流連河裏游惻
愴山陽賦

詠史詩 五言

鮑明遠

五都矜財雄三川養聲利百金不市死明經有
高位京城十二衢飛薨各鱗次仕子彰華纓遊
客竦輕轡明星辰未稀軒蓋已雲至賓御紛颯

杏鞦馬光照地寒暑在一時繁華及春媚君平
獨寂寞身世兩相棄

詠霍將軍北伐詩

五言

虞子陽

擁旄爲漢將汗馬出長城長城地勢險萬里與
雲平涼秋八月虜騎入幽并飛狐白日晚瀚
海愁雲生羽書時斷絕刀斗晝夜驚乘墉揮寶
劍蔽日引高旂雲屯七萃士魚麗六郡兵胡笳
關下思羌笛隴頭鳴骨都先自驚日逐次亡精
上門罷斤候甲第始脩營位登萬庾積功立百

行成天長地自久人道有虧盈未窮激楚樂已
見高臺傾當令麟閣上千載有雄名

百一

百一詩

應璩

下流不可處君子慎厥初名高不宿著易用愛
侵誣前者墮官去有人適我問田家無所有酌
醴焚枯魚問我何功德三入承明廬所占於此
土是謂仁智居文章不經國筐篋無尺書用等
稱才學往往見歎譽避席跪自陳賤子實空虛

宋人遇周客慙愧靡所如

遊仙

遊仙詩

五言

何敬祖

青青陵上松亭亭高山栢光色冬夏茂根柢無彫落吉士懷貞心悟物思遠託揚志玄雲際流目矚巖石羨昔王子喬友道發伊洛迢遞陵峻岳連翩御飛鶴抗跡遺萬里豈戀生民樂長懷慕仙類眇然心緜邈

游仙詩七首

五首

郭景純

涼華游俠窟山林隱遯棲朱門何足榮未若託蓬萊臨源挹清波陵岡掇丹萸靈谿可潛盤安事登雲梯滌園有傲吏萊氏有逸妻進則保龍見退爲觸藩羝高蹈風塵外長揖謝夷齊青谿千餘仞中有一道士雲生梁棟間風出窻戶裏借問此何誰云是鬼谷子翹迹企潁陽臨河思洗耳閭闔西南來潛波渙鱗起靈妃顧我笑粲然啓玉齒蹇修時不存要之將誰使翡翠戲蘭茗容色更相鮮綠蘿結高林蒙籠蓋

一山中有冥寂士靜嘯撫清絃放情凌霄外嚼
藥挹飛泉赤松臨上游駕鴻乘紫煙左挹浮丘
袖右拍洪崖肩借問蜉蝣輩寧知龜鶴年
六龍安可頓運流有代謝時變感人思已秋復
願夏淮海變微禽吾生獨不化雖欲騰丹谿雲
螭非我駕愧無曾陽德迴日向三舍臨川哀年
邁撫心獨悲吒

逸翮思拂霄迅足羨遠游清源無增瀾安得運
吞舟珪璋雖特達明月難闇投潛穎怨青陽陵

蒼暮素秋悲來惻丹心零淚綠纓流

雜縣寓嘗門風煖將爲災吞舟涌海底高浪駕
蓬萊神仙排雲出但見金銀臺陵陽挹丹溜容
成揮玉杯姁娥揚妙音洪崖領其願升降隨長
煙飄飄戲九垓奇齡邁五龍千歲方嬰孩燕昭
無靈氣漢武非仙才

晦朔如循環月盈已復魄暮收清西陸朱羲將
由白寒露拂陵茗女蘿辭松栢薜榮不終朝蜉
蝣豈見夕圓丘有竒草鍾山出靈液王孫列八

珍安期鍊五石長揖當途人去來山林客

由白炎素州對客女體留餘時長榮不怒脾健

郵賦收許數日盛日對物暮以清幽對未養餘

音釋 康英先我山下

綆音梗 絲音薛 歛音旭 僇音言 旌音旌 綴音段 鞏音安

如聯生林散幾掛妙首其室胎其則長到到文

山掛雲山山

辨和南音的風變計無文在傳而持丸高身驚

文選卷第二十一 終

